

## **2016-imi innuttaasut ilinniagaqarnerisa nalunaarsuutaat**

### **Kisitsisitigut paasissutissat siunertaat**

Saqqummersitaq una innuttaasut ilinniagaqarnerisa qaffasissusaannik naatsorsuineruvoq. Innuttaasut ilinniagaqarnerisa qaffasissusaat aammalu ilinniagaasa ineriartornerat kisitsisitigut paasissutissat malinnaaffigineqarsinnaalersippai.

Innuttaasut ilinniagaqarnerisa nalunaarsuutaanni allannguutit piginnaalersitsisunik ilinniakkanik naammassinninnerit amerlassusaannik kisimi takutitsinngillat. Ilinniagaqarsimassuseq aammattaaq nunasisut aammalu allamut nunasiartortut akornanni ilinniakkat qaffasissusiinit sunnerneqartarpoq. Taamatuttaaq ilinniagaqarsimassuseq inuit toqusut akornanni ilinnikkat qaffasissusaannik sunnerneqartarpoq. Ilinniakkat qaffasissusiisa nalunaarsuutaat nalinginnaasumik innuttaasuni inuusunnerusuni matussusiinerusarput. Taamaattumik ilinniakkat qaffasissusaanni qaffariaatip ilaa ilinniakkat naammassineqartut annertuumik matussusiinerulernerannik peqquteqarsinnaavoq (saqqummersitami periaatsimut nassuiaat takuuk).

### **Eqikkaaneq**

Ukiut ingerlanerini, piffissaq 2002-miit aallarnerfigalugu, innuttaasut ilinniagaqarnerisa nalunaarsornera tamakkiisumik isigalugu neriunartumik ineriartorpoq.

2016-ip naanerani innuttaasut 16-it sinnerlugit ukioqartut 38,2 pct.-ii meeqqat atuarfianni ilinniakkamik qaffasinnerusumik ilinniagaqarsimapput. Taakkunani 12,1 pct.-it ingerlaqqiffiusumik ilinniarsimapput kiisalu 26,1 pct.-it ilinniarnertuunngorniarneq, inuussutissarsiummik ilinniarneq imal. qaffassarluni ilinniarneq qaffasinnerpaamik ilinniagaralugu. Ukiut qulit matuma siornatigut sanilliukkaanni 2,6 procentpoint-inik aamma 4,8 procentpoint-inik amerlanerupput.

Agguaqatigiissinnerini 2016-imi innuttaasut affaanit amerlanerusut 30-niit 40-it aallartilaarlugit ukiullit meeqqat atuarfiannit qaffasinnerusumik ilinniagaqarput. Taakku tallimaagaangata ataasingajak ingerlariaqqiffiusumik ilinniagaqartarpoq taamatullu pingasuugaangata ataaseq sinnilaarlugu ilinniarnertuunngorniarni, inuussutissarsiornermi ilinniarni imaluunniit qaffassarluni pikkorissarnernik ilinniagaqarsimasarpoq.


## Meeqqat atuarfianit qaffasinnerusunik ilinniarnernik naammassinnissimasut

2016-ip naanerani inuit 5.156-it ingerlariaqqiffiusumik ilinniarnernik qaffasinnerpaatut ilinniagaqarsimapput. Procentinngorlugu innuttaasut 16-it sinnerlugit ukiulinni annertussusaat 12,1 pct.-iuvoq, tamannalu ukiut qulit ingerlanerini 2,6 procentpoint-inik qaffariarneruvoq. Ukiumi pineqartumi katillugit inuit 11.143-t ilinniarnertuunngorniarni, inuussutissarsiornermi ilinniarni imaluunniit qaffassarluni pikkorissarnernik qaffasinnerpaamik ilinniagaqarsimapput. Procentinngorlugu innuttaasut 16-it sinnerlugit ukiulinni annertussusaat 26,1 pct.-iuvoq, ukiullu qulit ingerlanerini 4,8 procentpointinik qaffariarnerulluni.

Titartakka 1-ip takutippaa agguaqatigiissinnermiarnat ingerlariaqqiffiusumik ilinniarsimasut ukiuni kingullerni qaffariarsimasut 2016-imilu 56,2 pct.-inik annertussuseqarsimasut. Ukiut qulit matuma siorna suaassutsit akornanni naligiimmik agguataarsimapput. Pingaartumik arnat professionsbacheloritut, peqqinnissami atugarissaarnermi aammalu ilinniartitsisutut ilinniagaqarsimapput. Angutit aamma pingaartumik ilinniartitsisunngorniarni professionsbacheloritut ilinniarsimapput. Aammattaaq illuliassanik titartaasartutut illuliortaatsimi aammalu sanaartornermi taamatullu ingeniøritut aammalu teknikkimi ilinniagaqarsimapput, ingerlariaqqiffiusumillu inuussutissarsiornermi ilinniarni sivikinnerusuni, ilaatigut inuussutissarsiornermi allaffissornermilu aamma ilinniarsimapput.

Professionsbacheloritut ilinniarsimasut ingerlariaqqiffiusumik ilinniarni 2.580-iullutik amerlanerpaapput. Bacheloritut ilinniarsimasut 251-iupput, tamanna ukiut qulit ingerlanerini marloriaatingajanngorneruvoq.

### Titartagaq 1. innuttaasuni meeqqat atuarfiannit qaffasinnerusumik ilinniakkanik naammassinnissimasut ukiup naalernerani naatsorsukkat amerlassusaat, suaassuseq aammalu ukioq malillugit agguaaneri




Nalunaarut: Ilinniarnertuunngorniarni inuussutissarsiornermilu ilinniarni aamma qaffassarluni ilinniarni ilaapput. Najooqutaq: Naatsorsueqqissaartarfik – Kisitsisaataasivimmi kiksitsisit (<http://bank.stat.gl/UDNISCPROB>).

## 30-44-nik ukiullit amerlanersaat meeqqat atuarfianit qaffasinnernik ilinniarnermik naammassinnissimapput


Ataani titartakkat takutippaat 2006-imi aammalu 2016-imi inuit 16-it sinnerlugit ukiullit ilinniakkani naammassisimasaasa qaffasissusaat, ukiut tulleriaarnerinut agguallugit.

### Titartagaq 2. 2006-imi innuttaasut ilinniakkani naammassisimasaasa qaffasissusaat



Nalunaarut: Ilinniarnertuunngorniarniluni inuussutissarsiornermilu ilinniarnerni aamma qaffassarluni ilinniarnertit ilaapput. Najoqqutaq: Naatsorsueqqissaartarfik – Kisitsisaataasivimmi kiksitsisit (<http://bank.stat.gl/UDNISCPROC>).

### Titartagaq 3. 2016-imi innuttaasut ilinniakkani naammassisimasaasa qaffasissusaat



Nalunaarut: Ilinniarnertuunngorniarniluni inuussutissarsiornermilu ilinniarnerni aamma qaffassarluni ilinniarnertit ilaapput. Najoqqutaq: Naatsorsueqqissaartarfik – Kisitsisaataasivimmi kiksitsisit (<http://bank.stat.gl/UDNISCPROC>).

Titartakkat takutippaat 2016-imi innuttaasut ilinniagaqarnerisa qaffasissusiisa agguaqatigiissinneri ukiunut qulinut kingullernut naleqqiullugit neriunartumik siuariaateqarsimasut.

Agguaqatigiissinnerini 2016-imi innuttaasut 30-niit 40-t aallartilaarlugit ukiullit amerlanerussutillit meeqqat atuarfiannik qaffasinnerusunik

ilinniagaqarsimapput, ukiullu qulit matuma siornatigut agguaqatigiissinnerini amerlanerussutillit taamaallaat 30-t 34-llu akornanni ukioqarsimallutik.

2016-imi 40-44-nik ukiullit ingerlariaqqiffiusumik ilinniarfinnik qaffasinnerpaamik ilinniagaqarsimasut amerlassusaanni agguaqatigiissillugu annertunerpaamik qaffariaateqarsimapput, ukiut qulit matuma siornamut naleqqiullugu 8,8 procentpoint-inik qaffariarsimallutik.

Ilinniarnertuunngorniarluni imaluunniit inuussutissarsiornermi ilinniarnernik qaffasinnerpaatut ilinniagaqarsimasuni 2016-imi 45-49-nik ukiullit agguaqatigiissillugu annertunerpaamik qaffariaateqarsimapput, ukiut qulit matuma siornamut naleqqiullugu 14,8 procentpoint-inik qaffariarsimallutik.

## Innutaausut ilinniakkani naammassisimasaasa qaffasissusaat

Tabel 1-imi takuneqarsinnaavoq Kalaallit Nunaanni innuttaasut 2004-mit 2016- i tikillugu ilinniakkat qaffasissusaannut agguallugit. 2002-mit 2016 tikillugu tamakkiisumik takussutissaq Kisitsisaataasivimmi takuneqarsinnaavoq.


**Tabel 1. Innuttaasut ilinniarsimassusaat ukiup naalernerani naatsorsukkat, ilinniakkat naammassisimasat qaffasissusaannut aammalu ukiumut agguallugit**

|                                                                                  | 2004   | 2006   | 2008   | 2010   | 2012   | 2014   | 2016   |
|----------------------------------------------------------------------------------|--------|--------|--------|--------|--------|--------|--------|
| <b>Ilinniagaqarsimanngilaq</b> .....                                             | 2.585  | 2.547  | 2.440  | 2.556  | 2.375  | 2.322  | 2.433  |
| <b>Atualinnginnermi</b> .....                                                    | 2.656  | 2.631  | 2.496  | 2.430  | 2.451  | 2.410  | 2.294  |
| <b>Børnehaveklassi</b> .....                                                     | 6.988  | 6.519  | 6.173  | 5.839  | 5.669  | 5.538  | 5.454  |
| <b>Atuarfik appasissumik tunngaviliivik</b> .....                                | 3.098  | 3.059  | 2.881  | 2.756  | 2.553  | 2.388  | 2.387  |
| <b>Atuarfik qaffasissumik tunngaviliivik, Nalinginnaasumik ilinniarneq</b> ..... | 29.334 | 29.297 | 29.171 | 29.082 | 28.549 | 27.862 | 26.991 |
| <b>Ilinniarnertuunngorniarluni ilinniarneq</b> .....                             | 1.174  | 1.226  | 1.310  | 1.552  | 1.796  | 2.066  | 2.247  |
| <b>Suliffeqalernissamut tunngasut ilinniarnert</b> .....                         | 7.281  | 7.383  | 7.550  | 7.859  | 8.113  | 8.305  | 8.590  |
| <b>Nalinginnaasumik qaffassarluni pikkorissarneq</b> .....                       | 60     | 98     | 144    | 166    | 200    | 241    | 303    |
| <b>Inuussutissarsiornermut tunngasumik qaffassarluni pikkorissarneq</b> .....    | 4      | 3      | 3      | 3      | 3      | 3      | 3      |
| <b>Nangitsilluni inuussutissarsiuutinik ilinniarneq naatsoq</b> .....            | 828    | 886    | 922    | 1.003  | 1.064  | 1.069  | 1.139  |
| <b>Bachelor</b> .....                                                            | 129    | 139    | 153    | 177    | 208    | 244    | 251    |
| <b>Professionsbachelor</b> .....                                                 | 2.077  | 2.032  | 2.065  | 2.227  | 2.373  | 2.447  | 2.580  |
| <b>Kandidat</b> .....                                                            | 714    | 787    | 825    | 905    | 936    | 1.006  | 1.084  |
| <b>Professionskandidat</b> .....                                                 | 16     | 15     | 30     | 29     | 39     | 43     | 53     |
| <b>Ilisimatuunngorniarnerit, Qaffasissumik ilinniarneq</b> .....                 | 24     | 23     | 30     | 31     | 39     | 38     | 49     |
| <b>Tamarmik</b> .....                                                            | 56.968 | 56.645 | 56.193 | 56.615 | 56.368 | 55.982 | 55.858 |

Najoqqutaq: Naatsorsueqqissaartarfik – Kisitsisaataasivimmi kiksitsisit (<http://bank.stat.gl/UDNISCPROA>).

## Ilinniakkat piginnaasaqalersitsisut

**Titartagaq 4. 2002-mit 2016-imut innuttaasut piginnaasaqalersitsisunik ilinniagaqarsimasut akornanni ilinniakkani sammisat tallimat nuimanerpaat**



Nalunaarut: Ilinniakkat piginnaasaqalersitsisut tassaapput inuussutissarsiornermi ilinnakkat qummullu. Najoqqutaq: Naatsorsueqqissaartarfik – Kisitsisaataasivimmi kiksitsisit (<http://bank.stat.gl/UDNISCPROA>).

Titartakkami 4-mi takutinneqarpoq ilinniakkani sammisat tallimat 2002-mit 2016-imut ineriartorneri, taakkunanilu piginnaasaqalersitsisunik ilinniagaqartut amerlanersaat inissisimapput. 2002-mit 2016-imi tikillugu ukiut tamaasa 65 pct.-inik annertussuseqarput.

Titartakkap takutippaa neriunartumik siuariartoqarsimasoq, tassani atugarissaarnermut sammisat annerpaamik qaffariaateqarsimallutik. Tassani isumaginninnermut aamma peqqissaasunut ikiortinngorniarnert aammalu isumaginninnermut siunnersortinngorniarnert amerlanerussuteqarput. Inuussutissarsiornermi aammalu allaffissornermi sammisani ilaatigut akademimerkonomitut aamma serviceøkonomitut aammalu niuernermi allaffimmiutullu ilinniarnert allat nassaassaapput.

## Periaaseq

Saqqummersitaq najoqqutanit pingasunit nalunaarsuutit tunngavigalugit suliarineqarpoq:

- Ilinniartut Ilinniagaqarnersiuteqartitsiviup (USF) ilinniakkanut naammassineqarsimasunut nalunaarsuiffianninngaanneersut
- Qallunaat ilinniartitaanermi isumaginnittoqarfianit Danmark Statistikip ilinniakkanut naammassineqarsimasunut nalunaarsuiffianit – HFFU-p nalunaarsuiffiik taaneqartumit
- 2010 tikillugu kalaallit ilinniarfiinit nalunaarsuutit, USF –imi suleriaaseq avaqqullugu Naatsorsueqqissaartarfimmit aaneqartut – ilinniarfinnit “Non-USF”-inik taaneqartunit

Innuttaasut 17-it sinnerlugit ukiullit tamarmik Naatsorsueqqissaartarfiup ilinniarsimanermut paasissutissaqartinningsai meeqqat atuarfianni 10.klassimik naammassinnissimasutut tunngaveqartumik naatsorsuunneqarput. Ilinniakkat 1980-ikkunneersut aammalu siusinnerusut ilaat ilunniartitaanermut kisitsisitigut paasissutissani ilaatinneqanngillat, inaarutaasumik misilitsinnernut, svenditut allagartanut il.il. paasissutissat amigaateqarmata.

Naatsorsueqqissaartarfiup ilinniartitaanermut kisitsisitigut paasissutissani nalunaarsuutini atuineranut ersarinnerusumik nassuiaat, ilaatigut tatiginassutsimut nalilersuinnermut suleriaatsinut tunngasut nittartakkatsinni [www.stat.gl](http://www.stat.gl) –imi nassaarineqarsinnaapput. Innuttaasut ilinniagaqarnerisa nalunaarsuutaannut saqqummersitaq nutaanerpaaq tooruk tamatumalu kingorna Periaaseq. Pineqartoq ”Metode til HFUsdata.pdf”-imik ateqarpoq.

## ISCED2011

Nunarsuarmi sumiiffinni siullerpaat ilaanniilluni massakkut Kalaallit Nunaat UNESCO’p ISCED2011-mut malittarisassaa malillugu ilinniartitaanermut naatsorsuusiorsinnaalerpoq. Ineriartortitsinnermut suleqatiginnerup Naatsorsueqqissaartarfimmit aammalu Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmit peqataaffigineqartup tamanna pinnaatippaa.

## Uuttuutit taaguutaat

Naatsorsueqqissaartarfik ilinniartitaanermi uuttuutitut taaguutini ilinniakkat suut ilinniarfinni pineqartuni imaluunniit ISCED2011-imi immikkoortitersimasuni takuneqarsinnaalersillugit saqqummersitsisimavoq. Uuttuutit taaguutaat Excel-regnearkiuvoq aammalu [www.stat.gl](http://www.stat.gl) – imi Ilinniartitaanerup ataani nassaarineqarsinnaalluni. Saqqummersitaq kingullerpaaq tooruk kingornalu Periaaseq. Regnearki ”Nomenklatur med ISCED2011 JUNI2017.Xlsx”- imik ateqarpoq. Uuttuutit taaguutaat aamma immikkoortiterinerit tulleriiaarnerinik naleqquttunik imaqarpoq.

## Malugiuk

Piffissaq pineqartoq sioqqullugu ilanngullugu ISCED11-imi ilinniakkat  
kodilersorneri allanngortiterneqarput. Siusinnersukkut  
saqqummersinneqartartunut sanilliullugu uani saqqummersitami  
qaffasinnerusumik ilinniarsimasut amerlisimanerannik kodit allanngorneri  
kinguneqarpoq.

---

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- \* Foreløbigt eller anslået tal

Eventuel henvendelse

Gorm N. Pedersen

E-mail: [gnpe@stat.gl](mailto:gnpe@stat.gl)

Ilinniartitaaneq

Grønlands Statistik  
Postboks 1025 · 3900 Nuuk  
Tlf.: +299 34 57 70 · Fax: +299 34 57 90  
[www.stat.gl](http://www.stat.gl) · e-mail: [stat@stat.gl](mailto:stat@stat.gl)

